


Willem de Vink: Rui hilou mei latbam ase.

JISU MESSIAH



J
I
S
U

M
E
S
S
I
A
H

KAGAN KATHUI NA KHOU DAILIANGMEI PARIC

MI TABUI...



Angel: Raguangc tong how mak mei latdiutatmei.

Suaihiam: Raguangc rui ningmei khou tatna bam mei goi khang tilou ni mei saun.

Baibal: Raguangc rui mansei nunc tihei akumna jaosin bo tuna pac tou e kumna Kamei rui tabui thiak khou alamh bam tong.

Kariumei: Jisu ziapnunc tei manaik tektuh khou rui Kamei theicmei khatni ringhthou dat mei ta ningtou bam tong nge.

Cross: Rairiuclmei tong puat mikhou tei Jisu rui Karana Kaningkhou theiclou mei bam. Mitei Jisu ziapnunc khang madanmei tong suthe.



Ziap: Jisu theihlaic mei.

Easter: Jisu rui ringhthou dat mei tong ngai. Mi tingmik nung hei Jehdudic meinunc tei ni mi tingmik khou Kanpatmei ngai ngai e.

Tingsaeng jang panti: Raguangc rui ningmei thu Jisu theic laic tat mei. Theicmei ta ngam the kumna kangan nai dat lakni mei panti

Faith: Raguangc rui rianlou mei ta lumna taanc mei.

Kuakloumei: Raguangc rui kuaklou e, gankhat na rui bui mak pu sini, Lungning singthang rui kalaic mei ta Raguangc rui kuaklou e, aniu rui phungnimei puat phuk ta Jisu rui phunglou the.



Gongdih: Kalat piumei goi ding khou tei Raguangc Gongdih nai the.

Bumaenghthanmei: Jisu theiclaimei goi khang Raguangc rui tiloumei Kabumaengh.

Jisu: Raguangc Nac Pouh jang, kabah rui, Raguangc aniu ta gulou the.

Messiah: Ibri mei lat khou, Thauteic loumei Guangc, Greeck mei lat khou sa etei, Khrista.

Prayer: Nang Raguangc ta kachumei, kaoran na ni ran makna.

Ringhthau datmei: Theicmei khou rui Jisu ringhthaudat mei. Jangnei khat mansei goi ni ringhthau dat puni. Mitang Raguangc rui mansei goi na ta latzanc supuni.

Return: Jisu rui mbanc khou gongdat pu khou ramgoi na dam kathan dat puni the. Raguangc rui tingkaoh le kandih ta ni kathanc sulou puni.

God: Raguangc le mansei tong jaojic mei (rasic tuna ni sa e)

Sin: Raguangc rui karain mei taanc aniu taanv mei tei khatni Raguangc rui mei panti khou lungtangc ngam mak na bam mei tei the.

Son of God: Jisu jan. Kamei hei Ragaungc mbanc khou gongmei Mansei tei e, Raguangc Nac suna.




Messiah Jisu kiu thou cho?

Jisu rui Israel kandik khou 2000 huthang lung lou khuan ne. Kata Jisu Messiah khatni Jisu Khrista tuna kao e. Mei kabah kiu tho, Kamei hei Gongc nge. Aw! Kamei hei Gongc nac ham mak ge. Jisu ti hei Raguangc Nah Mpouh khatni Mansei Nah Mpouh tuna kao e. Mi kabac kiu tho, Kamei hei Raguangc khatni Mansei e. Jisu tong paric thu Baibal khou hilou the. Mi hei paric goina khou dailiangmei the.

Jisu ganc khou

Mi paric hei Jisu puanlou khou rui kahow the. Mansei goi tei gatdah khatni takuan khou rui ginc tat gong khuan ne. Kadai suna Europe le Middle East khatni Northern Africa kagoi hei Roman empire bang khou bam khuan ne. Bai bai mei kandih mei goi thu pah khang le hikhang thai mak ge tiki Israel khou bam Jehudimei goi thu thaic khuan the. Kaniu goi ta larik buk tuna ni kao khuan ne, Baibal. Ramc katana ta dam lou mei khatni mansei ta kapamc suni khuan ne. Jisu rui mi goi hei thancna tihow lou the.





Jisu gan khou Israel

Kaidai – Jerusalem

Kandih – Galilee, Samaria, Judea

Kadaih – 28000 km² (10,810. Sq miles)

Kandih sinmei thiak – 63 BC Khrista
Jisu gongc mak khou rui.


Climate: Kagan tei

Roman kandih rui Israel ta sinbam
khuan ne .

Kandih kaipouh: Pontius Pilate,
Roman tong Kapi, kandih sinmei,
Israel sinbam mei. Tiberias, hei Roman
bang khou e, kamei rui sinbam tong e.

Rachap: Judaism. Jerusalem khou Jehudihmei nunc tong rakai nai khuan ne. Mi khou tei amuhnunc kaniu rachap tong taanc taanv bam khuan ne kumna cham bam khuan ne (kadaic suna Pharisees) kaniu rui mansei goi ta Baibal khou rui ncham lou bam khuan ne.


Kaniuc Lat: Ibri (Jehudihmei nunc tong lat the). Greek (Mban kapum rui sabam mei lat) Latin (Roman mei nunc tong lat)



Miduithuak khou tabui khang kaniu bam tong?



Kathanmei panti khou lung latho!




Ntaw ni thing bang guay bangbi khou nrih lou bam the, kumna kathai gaymei nthai makmei bang guay ta tei gai bauna mai khou phaiclou puni.






Kathai nthai makmei bang goi tei gaibau lana mai khou ntei puni !



Kabang goi na ta gaibau puni de. Thou tei rachaptatmei panti khou lung ngam bo?



Kachangna! Raguangc tong latjan khou rui doukngam mak ge. Kume tiki atangc khou gongmei pu rui tho tikalailou ngam e.




Ntau tho nang panti suthanlou kan the kathanmei panti khou lungthau tho!


Muzung ta meigoi rui duithuak de khou John
Baptist de tuna kao bam khuan ne...

Ai thu ram ge. Raguangc
kiu tho cho tuna dinlou
nimei Puc khang chaeng
chamdan bam tong de!

Kamei rui Raguangc
tong bumaeng khatni
mai khou duiluplou
puni the. Mitang tho
nang hei kalai puni the!



Nangkhou rui ai
duilup khang de!



Mitang tingkaoh thang rui kumna sa e....

Chum the, Nanghei
Anac the. Nangta
njianne kumna
thuanku the.




Kumna taanc rap tho.
Raguangc rui chunmei
tei taanyv bam tong the.



Apu, nang gongdic gongmei
sukandiu kumna nang ning
mei sudiu tho!

Jehudihmei goi khang Messiah gongcni mei chaeng tei John Baptist rui chamdan bam khuan ne. Miganc khou tei Israel thu Roman Empire bang khou thiam sina bam khuan ne.



Jordan tong duithuak khou, Jisu ta John Baptist rui din ndau khuan ne.

Jao lo! Raguangc laojiuna kandih mei goi tong pap laganc lou kan the.



Kamei duiulpmei tang, Jisu ta Raguangc bumaengrui tazikram thang ndao tat kan the.



Jangriakdeih zingmei le gaancmei mi bam khou tei bamlou khuan ne. Miganc khou tei kamei tuzangc mak khuan ne. Kamei rui taanc ni goi thanna na thaikhang tuzangc mak na kalum khuan ne.



Raguangc rui mban khang ning bam mei tei tiguagc tanglou khang Jisu rui Ringhpou khou nganglou khuan ne. Theihmei khou rui gulou khang tumei hei Raguangc rui ningmei e.

Ngoi Apu! Nang rui sameic tei aitaanc puni!




Kumme tiki Satan, Katong jaojimei, rui Raguangc tong taanc khou rui lagaanc lou khang Jisu ta kalungning khou tilou khuan ne.

Nang kiu Raguangc Nac etei mi tauc tihai ntayn tisu o!

Kum mak ge! Larikji khou kumna hilou e: Ntyan na rui meic ringh mak ge, tiki Raguangc mwang khou rui patmei lat guay tei rui ringh khang de.



Nang kiu Raguangc Nac chang etei lianth! Kaitonc khou rui kapit key tho. Banchara rui kaponc lou puni tuna hilou na nai e?




Mi hei ni kumna hilou na nai e:
Nang Raguangc ta nchang rui.

Nang rui khuksun kei na ata kalum me tei, mban tong ngam goi ai rui tipuni!



Satan tat kan no! Mi hei kumna hilou e: Raguangc na tihei kalum khang e khatni katong siamloi sukhang ge.

Kumna Satan Jisu khou rui tatpat kan the. Banchara nun gongna katong siamloi sukan the.




Galilee khou gongdat mei ganc khou Jisu tei Bumaengh thanmei rui padik khuan ne. Israel kandih ram khou Jisu daithau khuan ne.


Kamei rui gin tatpat pui ganc khou meic pei na kathei kajao khuan ne. Jisu hei Messiah kiu the ni muzungc rui hilou mei kiu tuna thaini mei rui padik khuan ne.








Cana chingc ram Galilee khou nouchoun khuan ne...



Mi khumngai khou tei
Jisu ni kapui le karuprian
nunc ni kajao khuan ne.






Galilee zeilat khou Capernaum hei lunggai chingkhiungmei khac nim mei kabam khuan ne. Mi khou tei Jisu rui Raguangc gongdi lam din kahow khuan ne.



Mi bam khou tei Kamei rui kaziap khang reiliangmei suna kapac khuan ne.



Peter, duithuk thang gut na nang tong chaek tei ganv kei tho.




Kaipou, jingmang tei aniu goi nim thang the tiki nim pat mak ge.



Kumme tiki nang rui s apui jang khou rui...




Mi tei ai lum ngam mak ge!






Jakob! John! Mi
khou hei gongoc!
Mi hei panti tong
taanc the!




Probu ang no bera di!
Angle pap nang brouh sei.


Peter! Nang pingriu.



Atheic lai o!




Atheic lai o kumme tei
meinim mei tisulou pu ni.



Galilee ram kapumc khou Jisu le kaziapnunc tat na Raguangc gongdi lam mei goina khou din ndau khuan ne. Nnau mei goi ta tigailou khatni simei mei bumaengh nunc ta lapatlou kumna meinunc goi katong taanc ta jaona ngak khuan ne. Israel tong Jerusalem khou rui meinunc goi tei gongc khuanne. Meic goi tei katong taanc ta makumc bam khuan ne.




Ndapna bam mei goi tei sanggaimei nun e kaniu ta tiguc lou puni.




Kapna bam mei goi tei sanggaimei nun e, kaniu tei nui dat puni.



Ajangrui rairiu bam mei nun tei sanggai mei nun e. nang niu neila tho janggai tho tingkauh thang nangniu khang suan dai e.




Nang ta mei nunc rui sulou
mei thiak tei kumna nang ni
taanc dat ro.




Nangta jaoji mei nun ta jianni
na de kumna kalumlou o.



Gaitaanc tei khamna taanc
no mei nunc how na nang
ta lungning kahow puni.




Nta kalungning rui kahowna jaomei
tei kalungrui lungmanc tang the
Ntumei. Gankhat rui gannei bang
sungam mak ge; Raguangc khou
ni lunggai chingkhiung mei khou.



Mik hei pumc tong maibunge. Nang
mik howgai etei nang pumc goina
thanthe. Kumme tiki nang mik how
si etei nang pumc goi na zing the.



Gannei bangc su nu mak ge;
Raguangc khou ni lunggai
chingkhiungmei khou ni tat puni.




Nthuan khang rui lunggei rio.
Raguangc gongdic lam khang
kakhan rei o kumme tei ram
kagoi nphang puni.





Alat pui etei, nang hei tauruc khou kai kasiammei tei le ncham the.
Kum mak ge tei nang hei sic ruh khou kai kasiam mei le ncham de.










Kumme tiki Jisu tong taanc tei gansek thu neilac mak ge. Rachap tong amuh nunc rui Jisu kamei Sabbath tingmik ta ngek ni ngek mak cho tuna jao bam khuan ne. Mi ganc khou tei Israel kandih khou hei kum mei ta jaosin bam khuan ne.






Galilee zeiklak khou Jisu kaziap nunc le gongc khuan ne.








Rasic gut mei puc chingbut ram
khou lung bam khuan ne....






Rasic bumaengh,
kakhou rui tat pat tho!

Ngamparihmei Raguangc
Nah Mpouh nang le tabui
taanc kho na cho?







Thomas le Matthew (Roman
mei kandih tong dih kha
kakha mei nei tei e)



Thaddaeus le bai mei James...



Simon, akhang tanc mei,
le Judas Iskariot.




Tat tho. Nang ta lalou etei, Ata lalou tong the, Ata lalou
mei nunc tei Ata ndiuh lou mei ta lalou tong the.



Ziap ruhna kanei tei kaniu tong
taanc gaina tany lou mei khang
rui neila na hangong dat khuan
the. Mitang tei Jisu kaniu le tuna
rim rim mei bam thang tat khang
tuna ning khuan ne tiki mansei
goi rui kaniu goi ta mpat lou
mak khuan ne.

Lao thu dai the tiki tai ni mei thu rao e. Heijang rui
laopouc khou hoinei tho laotaini mei ndiu gongc khang.



Jisu rui latsa na naomei goi ta tigailou dat
bam khuan ne. Peina nian sikhuan the....



Philip, akum thang rui minun khang tuzang
khang nphang puni cho? Kaniu khang ti tio?

Buh tachat tong taanc phic man
rui lakhang khou hei mak ge!

Mi khou hei tyan pek paguh
le kha pek kanei nai e. Mi
bam khou mi na hei nai e.





Mansei nunc ta 50 tong
kapang sun a tidung kei tho.



Jisu rui Raguangc
ta thuanku the....

Kamei rui tyan pek le
khac ta bih bak the.





Meic ching ching ta Jisu rui ti tuzang lou kan the.



Messiah gongni mei kiu
Kamei khuan di the tuna
ning khuan the.
Kata gongc tisu di khuan!



Jao lo! Basket
12 liam na nai
khuan ne!











Ntau thu mei goi tei kakai thang tat kan di tho.





Hic tei la na bai mei chaeng thang tat tho. Mi
ching ram khou ai hoinei ni he.



Jisu hei gongc di the tuna sa ndauh pat ni mei mei gei na nai bam khuan ne. Kumna Roman mei tong bang khou rui kaniu goi ta kanlou puni the tuna ning khuan the. Jisu ta jao ji mei nunc ni gei mbu thau khuan the. Kata mei simei de tuna kaniu goi rui sabam khuan ne. Mansei nunc ta Kamei hei meigai mak mei de tuna Kata sukasi khang ning khuan ne.







Mi gan khou tei Israel kandih khou leper nam nai bam khuan ne. Phangaimei leinac hei rianra daimei akhat the. Hei kum mei leinac nai mei goi tei pumc gai meiding khou gongc khang nulou mak ge.




Phangaimei leina naic mei goic rui tat pat pui gan khou kaniu pat the tuna kao na mansei goita sa apin bam khuan ne.



Jisu! Kaipou! Aniu ta jao njianlou o.






Jisu rui tat bam mei gan khou
Jehudihmei kapi nunc rui
Jerusalem khou rui kata jao
khang ndiu lou e. Katong taanc
goi ti hei kaniu khatsini nu
mak ge.

Kamei rui chammei nunc goi tei kaniuc goi tong
khariak gaimak mei nunc, lungmangmei nunc,
Roman mei bangc khou dih kha kakhamer nunc e.

Manc mei nunc ta gulou khang
Messiah gongc tong the.




Kajang tho Jisu rui Sabbath
nei tigaic lou tina the....

Gai tho!




Alao nunc rui Kakhou
lunglou bam khuan ne.



Alao nunc tei Akhou gongc
kan diu. Raguangc gondic tei
kaniu kum mei nunc khang e.

Jisu ta Bethany thang kao khuan ne, mi nam tei Jerusalem khou rui duc mak ge. Lazarus tei nao bam khuan ne. Lazarus le Martha khatni Mary kaniu tei Jisu le duandaengc mei pamc khuan ne. Jisu rui Bethany khou gong tang pu khou Lazarus ta tarouc khou lou kan mei jang padeih tang the tuna chu the.



Kaipouc, nang khou hei bam tong khuan ne thei achaibung theihlak ni tong e!



Martha, nang chaibung ringhthau dat puni de.



Aw ai thai de. Nkham pui nung kamei ringh thou dat puni e.



Ai hei ringhthaumei khatni panti kiu e. Akhou lum mei kamei tei ringh puni. Martha nang lum dai?






Aw Poubaucmei! Raguangc Nac Mpouh, mban ta gulou khang gong puni etuna nrianlou mei tei ai lum me.




Akum thang mbeih lou tong?





Jerusalem khou bam mei kapic nunc goi tei Jisu le kaziap
nunc tong taanc lam khou nthuk na phu min gut khuan ne.



Mi mansei tei charinmei
taanc aju taanv bam the.

Mi kumna taanv bam khang
aniuc rui nulou etei Roman
rui aniuc ta langam kan puni the!




Kaniu rui aniu tong rakaih
le aniu kandih sukasi lou the!

Nangniuc ni kakhan pat tho!
Kandih mei goi manc mei suang
thu gan khat theic mei rui gai e.


Mi ganc khou rui thau na Jehudih
mei kapic nunc Jisu ta rikna
Romans rimeic banc khou tilou
khang kadou chamei phu bam
khuan the. Kaniu na rui theic
nu mei taanc taanv
lou ngam me.

Hei jangc rui Jisu ta
suloi khang the.


Bethany khou Jisu bam pui gan khou.....






Namgaimei thaudui!
Kaman kungcmei!




Kata pat lou o, Judas. Kamei
rui theic ni mei Apumc ta
kasiambam tong e.





Kadaic tong kachut khou tei
kalum mei rakaic nai khuan ne.



Kanpatmei ngaic khou tei
laoziuc ta suloic khuan ne.




Manseic nunc ta Raguangc daeng
khou lagongc khang laoziuc tei
rakai khou kat khuan ne.



kume tiki akum mei rah keng
rui mansei nunc tihei paap
khou rui gulou nu puni cho?





Rakai kaisangc khou meinunc rui languanc landengc mei
khatni syan akhek mei khou taanc tin bam khuan ne








Mi bam khou tei Jisu ni bam khuan ne.....





Rakai hei thu Raguangc ta
kalum pui bam e tiki nang
niu rui kaihow pui bam
tisulou the.






Kanpatmei ngai gongmak mei dakkhou Jisu rui rakai khou mei ta ncham lou bam khuan ne, mi ganc khou tei sini kapic nunc rui Kata peima sukasi khang karam bam khuan the.



Minungc zingbangc tei Jisu kaziapc 12 le kanpatmei ngai khang kadaic khou gongc kariu khuan ne.

Aseic zingmang ai taanc puni!





Ai rianra mei ariu mak mei hu khou mi kanpatmei ngai tong tek tu nang niu le tuzangc cham ni e.



Kapic nunc rui taanc bam mei thiak bai bam nu e, tiki nang khou ni gaic mei gan gongpuni de.





Kapic suni mei tei meigoic na bangc suni na e.




Ai hei bangc kumna nang niu pangc khou bam lou e.








Minungc zingbangc tei, Jisu le kaziapnunc kaidaic tei mpat louna tat kan the...




Nang ta ganglouc duc na Ai tat kan ni the, kumme tiki Puc rui Bumaengc Thanmei nang khang ndiuc gong puni e. Kamei rui nangniuc ta kaganc kathuic na khou khanlou punic khatni bam ndou lou bam puni e.



Ai rui tat ni mei chaeng
nang thai ding cho.



Ai hei chaeng e, Nchummei e, khatni
Panti kiu the. Apanc khou rui ram
mak na Apuc daeng thang gan
khatna sini gongc ngam mak ge.



Nang khou hei bam khuan
no. Ai tat patna hoinei ni he.



Apuc le, mi hei nuc etei thu, mi rianra
mei hei Akhou rui duc na laganc lou o.




Kumme tiki thu, Ai rui
ning mei ram mak ge
Nang rui ning mei tei de!



Jisu ta Amuc Dai mei nunc daeng thang latat kan the, Jehudihmei pangc khou dailiangmei kapic pu. Peter le John ni katheic laijuanc tat bam khuan ne.





Jesus is brought to the Roman governor, Pilate. The Jewish leaders stir up those watching. They shout all kinds of accusations.



Iam khou sac kasic bam mei
nunc ti hei akumna dao ni cho?
Ram khatsi ni mak dai?



Nang tabui taanc lou tina cho?




Nchum mei tei sac ndao
pat khang Ai gongc tonge.







Nchummei kiu tabui tei cho?

Kameirui taanysi taanclo mei ta ai
phutou makge. Kumna taw thu
kanpatmei tong ngai gan kiu the.
Thou ta airui pat patlou o to; Jihudimei
Gongeni tani ram etei Barabas ta cho?









Apuc, kaniu paap tei kuaklou o, kaniu rui taanc bam mei kaniu thai mak ge.

Jisu tong cross khou tei kumna hilou khuan ne, Jisu Jehudihmei Guangc.

Jisu rui sulakni mei dui tei zangmak ge.


Rihmei nunc rui Katong phei ta san jao khuan ne.



Ngaol! Meic baic mei ta Kamei gulou tong ram makna cho?

Nang ta ni kanc tho kumna aniu ta ni kanclou tho.

Raguangc ta chakhwang su o. Aniu thu aniu tong taanc simei jang khou rui rianra mei phang bam tong e kumme tiki mi Puc tho khoilou mei mak ge.



Nang Gongdic khou gut pui ganc khou ata ni ningtouc lou o!

Asei hei nang Atheih paradise khou bam puni the.



Khuokdak 12 khou neic tei zingc khuan ne. Ramgoina zingc kan the.

Jisu pui Mary, le John, khatni Kaziapnunc tei cross daeng khou ding bam khuan ne.

Ntao tho nang hei
pui le nac di the.



Ai....dui tari e!

Apu le, Nangbanc khou
Abumaeng nsinlou the.


ARaguangc, ARaguangc,
akumna Ata patlou thong?



Ntao tho....loi the.



Khuank dak 3 khou Jisu theic the. Rihmei gankhat rui Jisu khoic biu khuan ne, kumna zeic le dui luangc pat kan ne.




Larik jih khou hilou mei kumna,
Katic hei laoziu ta suloi khang
latat kanmei le ncham the.

Aniuc tong paapc jang khang rui
Katic hei biuc tonge khatni baic
kan tong e. Kumme tiki ntao thu
kamei theic kan the.

Messiah gongc puni tuna
samei kiu Kamei lani kiu
ram mak na cho ni?



Arimathea mei Joseph le Nicodemus rui Jisu pumc ta lathe.
Kanei rui linene pheic rui kapumc kachiat lou lana namec gai mei
thauc taic lou na tarouc khou phumc lou kan the



Gongc tho, Kata aniu
phumc lou nu puni.


Khumngaic tong jangthek sulou nganna, mi tei kanpatmei ngai tong khuan ne, lungsic bam mei pui goi tarou bam thangc tat kan the.




Tabui jang rui Ringhmeita theicmei ding khou jaobam tong cho? Kamei ringhthau kan the. Kaziapnunc khou tei salou titho!




Peter le John kanei tei michamc chupui ding le tarouh thang pat tat kan the.





Taudang tei laganc lou bam the!



Ram khatna sini mak ding the!



Tabui suna cho ne?



Minungc kahak tei Jisu rui theic kan mei lam khou lungrianra na bam mei ziapc gannei tei chaeng khou mi lam tei kaphianna tat bam mei ding khou Jisu ta ariu khuan ne.

Muzungnunc rui dinc kashuak lou mei tei lum makna cho? Messiah tei rianra mei ariu na himdaimei khou gut khang ram mak na cho? Mi lam goi hei larik khou hilou na nai ding the cho?



Kaniuc goi tuzang bam mei dingkhou tei kadingmak khou kaniuc pamei mei tei howdat makrap kan the....

Kumme tiki mi tei Jisu bam khuan ne!



Kaniuc tei midingc khou Jisu ziap bai mei nunc ta phuc khang tat pat khuan the.

Aniuc Poubaucmei mei ta how the!

Peter le Mary ni how the!




Kading mak khou rui....

Nangniuc khou chujangmei nai kan diu!



Ai de nangniu lum mak na cho? Abanc le Aphaic ta jao o!


ARaguangc aKaipou!




Jisu rui kaziapc nunc goi hu khou jang riakdeih tihow lou bam khuan ne. Kading mak khou 500 nunc hukhou ni Kata tihow lou khuan ne. Jangnei khat ziap nunc tei Galilee Zeilak khou khanim bam khuan ne.

Nangniuc daeng khou ram tuzangc khang nai dai?

Ntau ngan na ram khatna sini phang mak he!



Nangniuc tong chiak tei baic mei biak thang tei phaic pat tio!



Angak dinge,
ajuc phang
ding tha!









Kamei Poubaucmei doi!



Dinc Pou!



Nangniuc goic Ai le tuzangc
cham khang gongc puni dai?



Katong ziapnunc tei Jerusalem khou hoinei na nkhan na bam khuan ne. Kaniuc goi ta tei Bumaenghthan mei Raguangc Bumaengh tipadik lou kan the. Jisu khou nai mei Bumaengh tei kaniuc goi khou ni nai kan the. Kaniuc ta Jisu lam dinc ndauc khang pumtanc tilou kan the.

Jisu ta theicmei rui loubim ngam mak ge. Raguangc rui Kata panti tilou dat na Messiah, khatni Poubaucmei tisu lou khuan ne.



Jisu ziapnunc tei rianra mei ajuc riu sini kaniuc tat pat khuan ne.

Jisu hei Raguangc Nac Mpouh kiu the!




Milat bam hei kaganc bai mei khou ni sa ndauh pat khuan ne.

Kamei rui cross khou theic pui gan khou tei aniu goi tong paap ni phung lou kan the. Heijang rui paap taanc khou thu aniu goi hei theic the tiki ntau khou rui thau na Raguangc rui ning mei chunkhou tei aniu panti lung khang the.



Jisu ziap nunc goi tei mbanc kapumc na khou hoinei khang le Bible pakhang gong kadoi na bam the. Kaniuc ntyan bibak na khatni drakha dui zang na Jisu rui theicloud kan mei tei ningtouc mei suna taanc bam me. Raguangc rui chunmei thu Kamei rui jianlou mei tei kaniu kak khou khat le khat ta jianna bam mei tei the.

Raguangc tong chun
tei Jisu rui mansei khang
taanc lou kan the.



Aniu ta Jisu jian ne!
Thuanku na Kata kalum mo!



Mbanc ta Raguangc rui hei dih kham njian pui rui KaNach Mpouh khat na mei ta tilou the. Kakhou lum lou pui mei goi tei thu maan mak na ringhsuangmei lapuni the.

WILLEM DE VINK


Nthanmei Baibal

Jisu tong paric hei Baibal khou hic lou e. Baibal kumna pah katum mei, pah bam mei larik bai mei mak ge. Mi hei larik jih rui padik mei larik the. Mi larik goi hei hi ngam khang tingkum 1500 tang e. Tingkum 900 hunungc tei kagoina loi lou kan the. Raguangc rui mansei na panti khou akumna taanc sukan bo tumei hei nai the. Raguangc hei thouc cho tumei Jisu pari khou rui thanna ding lou the.

Jisu tong Pari

Baibal khou larik buk 4 rui Jisu panti lam thanna ding lou e. Mi larik goi janc tei thu hipouc nunc jan lou khuanne. Hicpouh nunc tei Jisu ganc khou ringhna bam khuan ne.

1. Matthew – Jisu ziap. Kamei tei dihkha kakhamen subam khuan ne. Kamei rui samei tho Jisu rui akumna Israel (Jehudihmei) nunc ta akum thiak khou kariu kan bo.
2. Mark – Kamei hei tho peina alao na sibam khuan ne kumna Jisu rui charinmei taanc taanv lou kan mei lam tei kamei rui hilou e.
3. Luke – Rajao mei doctor. Jisu ta kamei daengsaikh saikh na thu thailou mak ge. Luke rui hicmei tho Jisu rui akumna mansei nunc le tuna ncham kan bo.
4. John – Kamei hei Jisu ziap the. Jisu hei thou cho tumei kamei rui lianc lou e. Jisu hei Raguangc de. Mansei goi paap la ganc lou khang Kamei Masei su the.




Jisu Puanmei

Jisu Pui, Mary nou suanc mak khou rui na Jisu ta puan lou khuan ne. Kamei tei lunching subam khuan ne. Kum bam sini Raguangc rui Jisu ta puan khang kasiam lou khuan ne. Mi lam khou hei kahuc nungc rui Jisu puan mak douc rui salou bam khuan the. Jisu puan ta gaihak mei thiak khou puan lou mak ge. Kabam gaimei mak pui jang rui goikuak khou Kata puan lou khuan ne.



Jisu tong charinmei taanc.

Jisu rui charin charinmei taanc taanv lou khuan ne. Baibal khou 40 dou hei tigaic lou mei lam dirlou e. Mi tong taanc goi khou rui, Raguangc hei mansei nunc ta adih kam njian cho khatni Kamei hei adih kam khang tangc cho khatni khanlou ni na khatni neilana bam mei ta kamei lani e tu mei Jisu rui lianlou tong e.



Jisu Theicmei khatni Ringhthoumei



Tabui jang khou rui Jisu theic tong? Tumei hei Baible khou dinlou e.

Nchum makmei taanc jat hei mansei goi kagan kagan khou taanv taanv ne. Raguangc rui numak mei khatni kalung puam lou ni mei taanc khatni kajang tisilou mei taanv ne. Hei kum mei taanc goi jangrui Raguangc daeng ton ngam makna bam tong e. Hei jang rui Jisu gongpui tong the. Jisu rui mansei paap kuaklou khang rui Kapanti rianra mei ta pingmak na kat patlou tong the. Mi kiu thu theic mei tei the. Jisu rui theicloud pui jang khou rui tong tho aniu goi Raguangc pamc sudat nu the. Kumme tiki aniu tong taanc simei taanv lou mei goi khang rui aniu lungc rianra the. Theic mei khou rui Jisu Ringhthou dat kan the. Raguangc rui tiringhthou lou dat mei khou rui Raguangc hei theicmei suang dai e tumei lian lou e. Ntao thu Jisu Raguangc daeng khou bam the. Kamei ringhpui jang rui, kagan kathui na khou aniu pam Kamei supuni the. Raguangc khou neilamei lagongc khang Kamei rui aniu ta nkhanlou ni bam the.

Nangrui taanc khoi lou kan mei goi jangrui nanglungning khou ai laic the tuna ningbam me tei khatni nangrui Raguangc tong pamc suni na bam me tei thu, mi tong rasoi hei kumna kalum tho.

Njianmei Raguangc, ata Nang jianne.

Nangrui Jisu ta tilou the, Nang Mpouh akhat na mei ta.

Ai rui taanc sic taanv lou kan mei goi jang rui Kamei cross khou thaengloic kan the.

Ai rui taanc laic lou kan mei goi khang ta kuaklou putho. Ai khoi the.

Jisu rui ata khanlou puijang rui nang ta thuanku the

Kagan kathuina khou Nangmeic subam ni the.

Nangrui ningbam mei lunlung khou tei lungngam khang jianlou na ata khanlou na puo.

Adaeng khou bamton lou tanc tanc pu o.

Atong rasoi mandaoulou mei khang ta thuanku the.

Nang latrian theih laic na ata dounlou pu tho.

Jisu le nang

Jisu tong paric hei loi mei ngan na kagan kathui na khou lalhlou bam me. Jisu rui mei ching ching niuc tong pamc sukan ne, ntao ngan kumna bam me. Mbanc kalaic the. Ntao gan khou takuanc garic khatni gaadac ruh khou ginc tat dat mak khe kumme tiki garic khatni aeroplane khou tat bam the. Tiki migoic rui Jisu khang kaic thoic mak khuan ne. Israel kandih khou Kamei tat lou bam kumna aniu daeng khou ni bam me. Kata how mak bam nu e, tiki Kamei thu kachangc the. Asei tingmik hei Kamei nang pamc suni bam the. Kakhuan nang chuni khuan ne kumna Kata jian bam khuan ne. Jisu lam nangthai daeng ni puchokumna Kamei rui nangpanti khou bam mei?

Jisu lam nangthai daeng ni puchokumna Kamei rui nangpanti khou bam mei? Kumme tei mi kumna taanc nu e.

1. Baibal tei nangkhang pathauc tho (Luke rui hilou mei khou rui)
2. Hoinei thauc tho (Raguangc ta kachuna khatni kakhuantak kingna – mi khang rui bai mei lat piu khang kage mak ge)
3. Jisu lam khatni Baibal khou hilou mei lam goi tei mei baimei nunc khou ni salou titho. Jisu rui ningmei thu kaziap nunc goi tei khat le khat ta katiu kari na Kalam khou thaic daeng bam mei ta the.



Transalator Name : Ps. Kanpatlung Joyson

Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as "Jesus Messias". Edition in **Rongmei Naga** 2022 : ISBN : 978-94-93178-96-0

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : mailto:jmpbk.app@gmail.com

Web : jesusmessiahcomicmedia.com/india

Jisu hei Messiah the

Mi hei Jisu Messiah tong kalingmei paric kiu the. Tingkumc 2000 hucthang Israel kandih khou lunglou khuan ne. Thouc puni Kata ariu mei goi tho angak khuan ne, gan khatna sini Kamei rui taanc lou kan mei kum na taanv mei makge. Gan khat narui sini Kamei samei kum na taanc mei mak he. Jisu rui bam lou mei kabam kathui na khou tei charinmei rin mei taanc taanv ne. Kakhou gongmei goi khang thu Kamei rui neilamei khatni lumgai mei tilou e. Kading na khou rui ramgoi loi kan ne. Kata jaojic mei rui katong phah sukan the. Tiki mi tei rui loi mei ram mak ge. Jisu hei Messiah the tumei paric hei nangkhang pac tho.



Language : Rongmei Naga

ISBN : 978-94-93178-96-0